

DARASALATANO JARIBIO LA MTHANI KISWAHILI - LUGHA

2015

JINSI YA KUTUMIA KARATASI YAMAJIBU

1. Tumia penseli ya kawaida tu.

2. Hakikisha umeandika kwa karatasi ya majibu:-

(i) NAMBARI YAKO YA MTHANI (ii) JINALAKO (iii) JINALASHULE YAKO

3. Ukisha chagua jibu lako lionyeshe katika karatasi ya majibu na wala sio katika kijitabu cha maswali.

Muda: Saa 1 Dakika 40

Umepewa kifungu chenye mapengo kuanzia nambari 1 mpaka 15. Chagua jibu lifaalo

kujazia nafasi zilizoachwa wazi.

Punda ni mnyama _____ 1 _____ ana faida _____ 2 _____ sana. Nyumbani _____ 3 _____ mnyama mwingine awa yupi anayefanya _____ 4 _____ kama punda. _____ 5 _____ ana uwezo wa kubeba mizigo _____ 6 _____ kama _____ 7 _____. Vilevile huwa anafuata maagizo ana _____ 8 _____ pewa. Chakula _____ 9 _____ pia huwa si _____ 10 _____. Huwa ni kidogo sana. Hivyo basi mkulima hawezi kutumia pesa nyingi. Tatizo moja _____ 11 _____ ni kuwa akipandwa na _____ 12 _____, huwa _____ 13 _____ hata anayemlisha. Ndio maana wahenga wakalinganisha mtu asiye na _____ 14 _____ na punda. Walisema methali "Asante ya punda ni _____ 15 _____"

- | | | | |
|------------------|--------------|---------------|--------------|
| 1. A. ambae | B. ambayo | C. abaye | D. ambaye |
| 2. A. mingi | B. zingi | C. nyingi | D. jingi |
| 3. A. kuwa | B. hakuna | C. tuna | D. wana |
| 4. A. bidii | B. uzembe | C. ujinga | D. upuuzi |
| 5. A. wewe | B. wao | C. yeye | D. kwako |
| 6. A. zito | B. lizito | C. mizito | D. wazito |
| 7. A. pamba | B. shashi | C. nyembe | D. nanga |
| 8. A. zo | B. yo | C. lo | D. o |
| 9. A. anachokula | B. anazokula | C. anavyokula | D. analokula |
| 10. A. nyingi | B. kingi | C. vingi | D. wengi |
| 11. A. lake | B. yake | C. zake | D. wake |
| 12. A. furaha | B. hofu | C. huzuni | D. hasira |
| 13. A. anajua | B. anamjua | C. akijua | D. hamjui |
| 14. A. huzuni | B. taabu | C. fadhaa | D. shukrani |
| 15. A. ngumi | B. kofi | C. mateke | D. matumbo |

Kuanzia swali nambari 16 mpaka 30, jibu

kulingana na maagizo

16. Tegua kitendawili:

Mwanangu mvivu hapendi mlima

- A. mto B. upepo
C. mzee D. gari

17. Andika kwa maneno: Vijiko 15

- A. Vijiko kumi tano
B. vijiko kumi na vitano
C. Vijiko kumi na tano
D. Vijiko moja tano

18. Tumia kiashiria kujazia pengo

Kuta _____ zina nyufa nyingi.

- A. nyingi B. zingineyo
C. hizi D. huu

19. Kanusha:

Baba yangu alisafiri jana.

- A. Baba yangu hasafiri jana
B. Baba yangu hatasafiri jana
C. Baba yangu hakusafiri jana
D. Baba yangu hajasafiri jana.

20. Andika kwa wingi:

Godoro langu ni kubwa.

- A. Magodoro yangu ni makubwa
B. Godoro yetu ni kubwa
C. Magodoro zenu ni makubwa
D. Magodoro yetu ni makubwa

21. Minyoo _____ ni hatari.

- A. hawa B. huu
C. hii D. hizi

22. Tumia "ingine" kwa usahihi

Darasa _____ iina wanafunzi.

- A. nyingine B. zingine
C. jingine D. mengine

23. Kitenzi ni gani katika sentensi hii?

Waliimba wimbo mzuri sana.

- A. Waliimba B. Wimbo
C. Mzuri D. Sana

24. Baba yangu ni mkali kama _____

- A. nguruwe B. paka
C. simba D. ng'ombe

25. Akisami hii huitwaje $\frac{3}{4}$?

- A. Theluthi nne B. Robo nne
C. Robo tatu D. Thuluthi mbili

26. Kinyume cha : Wachache

- A. wakubwa B. wanene
C. wengi D. wazito

27. Sitakula miwa _____ sana.

- A. mingi B. nyingi
C. kingi D. jingi

28. Chagua sentensi sahihi

- A. Nala chakula kingi.
B. Kipepeo huu amekufa
C. Maria aligonjeka
D. Sipendi mambo nyingi

29. Kanga, bata, jogoo kwa jumla ni

- A. kuku B. ndege
C. wadudu D. malaika

30. Rais anakaa kwenye

- A. pori B. ikulu
C. mzinga D. rumande

Soma kifungu kifuatacho kisha ujibu maswali 31 - 40

Maria alikuwa mwanafunzi wa darasa la tano mwaka jana. Alipofanya mtihani wake wa muhula wa tatu aliweza kufanya vizuri sana. Kusema kweli alishikilia nambari ya kwanza katika darasa lao. Hata mwaka huu bado anaongoza katika darasa lake kwa kuwa hata katika mtihani waliofanya muhula wa kwanza, bado alishikilia nambari ya kwanza. Ni vigumu sana umpate Maria akipiga kelele darasani. Mwalimu anapofundisha yeye huwa **ametega masikio** yake ndi. Ni vigumu umpate Maria na utovu wowote wa nidhamu.

Hata hivyo marafiki zake ndio hupiga kelele darasani. Achieng, Kamau, Fatuma na Mutiso hupenda pia kuwasumbua wanafunzi wengine somo linapoendelea. Ni juzi tu Kamau alimrushia mwanafunzi mwenzake karatasi iliyotafunwa. Maria alipoona hivyo aliamua kutomsema mwenzake. Maria anastahili kujua kutosema makosa ni sawa na kukubaliana na makosa yenyewe. Hali hii pia humfanya aliyekosea kuendelea na makosa yayo hayo. Kwa mfano mara ya pili, Kamau alipokitupa kijijiwe kwa mwanafunzi mwenzake, alimkosa na badala yake kijijiwe hicho kikamgonga mwalimu.

Naye mwalimu bila kusita alimwadhibu Kamau papo hapo. Maria alipoona hivyo, alijitamu kwa kutomsema Kamau mara ya kwanza. Hii ni kwa sababu, hangerusha kijijiwe hicho. Maria aliweza kuwashauri wenzake wasinyamaze wanapona makosa. **Nao wanaofanya makosa wajue hawatafanya makosa hayo milele. Siku moja watashikwa.**

- | | |
|---|---|
| 31. Mwaka huu Maria yuko katika darasa la A. nne B. tano C. sita D. saba | A. Achieng B. Kamau C. Fatuma D. Maria |
| 32. Katika mtihani aliofanya katika muhula wa tatu mwaka jana, Maria alikuwa nambari ngapi? A. Ya mwisho B. Ya pili C. Ya kwanza D. Haijulikani | 37. Makosa ya Maria ni kuwa A. yeye ni mwerevu kuliko wenzake B. yeye hupenda kusoma sana C. yeye huficha wanafunzi wenye makosa D. yeye hawasaidii wanafunzi katika mtihani |
| 33. Ni vigumu sana umpate Maria A. akilia B. akiuliza maswali darasani C. akisoma D. akiongea darasani mwalimu anapofundisha | 38. Usipomsema mwenye makosa A. atakufanyia makosa hayo B. atayaacha makosa hayo C. ataanza kukusumbua D. ataendelea na makosa hayo |
| 34. Ni nini maana ya "kutega sikio"? A. Kuongea B. Kusikiliza C. Kuuliza maswali D. Kunyamaza | 39. Kamau alipomchapa mwalimu kwa kijijiwe, A. alisamehewa B. aliadhibiwa C. alifukuzwa D. alilaaniwa |
| 35. Mwanafunzi ambaye ana utovu wa nidhamu hana A. adabu B. makosa C. uhai D. amani | 40. Ni methali gani iliyo na maana sawa na taarifa iliyopigiwa mstari mwishoni mwa kifungu? A. Kosa moja halimwachishi mke B. Kosa ni kurudia kosa C. Siku za mwizi ni arubaini D. Asiyekujua hakuthamini |
| 36. Ni nani hapendi kuwasumbua wanafunzi darasani? | |

Soma kifungu kifuatacho kisha ujibu maswali 41- 50

Mwanafunzi anapofanya mtihani , hastahili kupiga kelele hata na mwenzake. Iwapo unahitaji kitu chochote, jambo la maana ni **kuinua mkono** ili upate msaada wa mwalimu . Utashangaa wanafunzi wengine wakiendelea kuongea na wenzao utafikiria wako **gulioni** wakiuza bidhaa zao. Mtihani unastahili kuheshimiwa sana. Asiyeheshimu mtihani hupata alama za chini mno. Hii ni kwa sababu hata majibu anayoyaandika huwa hajali kama ni ya kweli au ya uongo. Yeye hutaka tu amalize amufurahishe mwalimu.

Wewe mwanafunzi wa darasa la tano, ningetaka uanze kuchukulia mtihani kama jambo la maana. Unapouheshimu mtihani, tabia hiyo itajengeka hata utakapokuwa katika darasa la nane. Mtihani wa K.C.P.E huwa na sheria kali sana. Iwapo hutaki kufeli katika mtihani huo wa K.C.P.E, basi anza leo kuheshimu mitihani mnayofanya darasani.

Tabia nyingine mbaya ni ile ya kuulizana maswali darasani. Wanafunzi wengine huwa hawajali kusoma ati ili waulize wakati wa mtihani. Wanapokaziwa na mwalimu hurudisha karatasi zao bila kujibu chochote. **Usipofuata mashauri haya utaathirika baadaye.**

41. Ufahamu huu unapinga

- A. kufanya mtihani
- B. kuuliza maswali
- C. kuzungumza
- D. kuongea wakati wa mtihani

42. **Kuinua mkono** ni sawa na

- A. kunyosha mkono juu
- B. kuona mkono
- C. kurusha mkono
- D. kupenda mkono

43. **Gulioni** ni wapi?

- A. Nyumbani
- B. Uwanjani
- C. Sokoni
- D. Garini

44. Anayeheshimu mtihani

- A. anapata alama za juu sana
- B. anapata alama za chini sana
- C. anafeli katika mtihani wake
- D. anachezea matokeo yake

45. Ukiheshimu mtihani

- A. utasahau na uanze kutojali
- B. utaendelea vivyo hivyo
- C. utafeli maswali mengine
- D. utamaliza haraka sana

46. Mwanafunzi wa darasa la nane hufanya mtihani gani?

- A. K.C.P.E
- B. wa kaunti
- C. wa wilaya
- D. wa tarafa

47. Haya yote ni ya kweli isipokuwa

- A. kuna wanafunzi wanaorudisha karatasi ya majibu bila kujibu.
- B. kuna wanafunzi wanaouliza wakati wa mtihani
- C. kuna wanafunzi wanaoongea maswali ya mtihani
- D. kuna wanaoongea na kupita vizuri sana

48. Mtihani unastahili

- A. kupuzwa
- B. kuheshimiwa
- C. kuchukiwa
- D. kupendwa

49. Usipofuata mashauri haya utaathirika baadaye, ni sawa na kusema

- A. asiyesikia la mkuu huvunjika guu
- B. kidole kimoja hakivunji chawa
- C. Njia ya mwongo ni fupi
- D. adui mpende

50. Aya ya pili inamrejelea mwanafunzi wa darasa la

- A. 4
- B. 5
- C. 6
- D. 7